



COLORADO

**Division of Homeland Security
& Emergency Management**

Department of Public Safety



FEMA

Ob Hlis Ntuj tim 10, 2022

DR-4634-CO-NR-019

FEMA Cheeb Tsam 8 Rooj Xov Xwm: (303) 235-4908

Colorado DHSEM: (720) 432-2433

Xov Xwm Tshaj Tawm

Cov Tswv Yim Thov Kev Txiaiv Txim Dua los ntawm FEMA

DENVER - Yog tias koj ua ntawv thov nyiaj pab rau kev puas ntsoog los ntawm FEMA tom qab Hluaws Taws Kub Marshall thiab kab cua hlob ncaj qha, koj yuav tsum tau txais ib tsab ntawv txiaiv txim lawm. Yog tias koj tsis pom zoo rog FEMA txoj kev txiaiv txim txog qhov nyiaj pab rau kev puas ntsoog, koj muaj txoj kev xa ntawv thov kev txiaiv txim dua mus thiab kom FEMA rov muab koj txhooj los xyuas dua.

Nws tseem ceeb yuav tau ua tib zoo nyeem koj tsab ntawv txiaiv txim vim nws yeej teev meej qhov laj thawj koj tsis tsim tsim nyog tau nyiaj pab thiab qhia cov kev pom zoo rau koj ua kom hloov tau txoj kev txiaiv txim. Ntau zaus, yuav xa cov ntawv no vim yog tsis muaj ib yam ncauj lus twg hauv koj tsab ntawv thov. Tej zaum koj yuav tau muab lwm cov ncauj lus los sis taub ntawv ntxiv xws li ntaub tawv txog kev sib hais haum ntawm kev pov hwm, ntawv pov thawj chaw nyob, ntawv pov thawj kev yog tswv ntawm cov khoom puas, los sis ntawv pov thawj tias lub tsev puas yeej yog koj qhov chaw nyob rau thaum lub caij muaj kev puas ntsoog.

Koj muaj txog 60 hnuv pib txij hnuv teev ntawm FEMA tsab ntawv txiaiv txim los ua ntawv thov kev txiaiv txim dua. Yuav tsum sau ua ntawv thov kev txiaiv txim dua thiab yuav tsum muaj cov ntaub ntawv los sis ncauj lus uas FEMA nug txog thiaj li yuav xam tau.

Yuav tau muaj cov no nrog koj tsab ntawv thov kev txiaiv txim dua:

- Luam FEMA tsab ntawv teev tias koj tsis tsim nyog tau nyiaj pab, los sis tias lub koom haum tseem tsis tau txiaiv txim tiav, los sis qhov nyiaj uas koj xav tias muab tsis txaus.
- Cov ntaub ntawv sib sau los ntawm koj lub lag luam pov hwm uas qhia tias koj yeej tau nyiaj tsawg dua li tsim nyog rau cov kev kho, tsis txaus pab rau koj tsiv mus nyob rau lwm qhov chaw ib ntus, los sis tsis txaus mus yuav tshiab tej cov khoom ntiag tug. Nco rau hauv tsiab tias FEMA yuav muab nyiaj tsis tau rau koj rau tej yam uas koj lub lag luam pov hwm twg them rau lawm.
- Luam daim ntawv nqi hluav taws xob nqi dej, daim ntawv tso cai tsav tsheb, daim ntawv cog lus khiab los sis xauj chaw, daim ntawv teev nyiaj hauv txhab cia nyiaj, daim ntawv hauv tsev kawm ntawv, daim ntawv zwm tsheb, los sis chaw hauj lwm daim ntawv. Yuav siv tau tag nrho cov no ua ntawv pov thawj kev puas rau koj lub tsev los sis lub tsev khiab nyob uas yog qhov chaw koj nyob rau.

- Ntawv pov thawj yog tswv tsev, xws li ntawv txais nyiaj muas tsev los sis cov ntaub ntawv pov hwm tsev, cov ntawv pov thawj them nqi se tsev, ntawv tswv tsev, cov ntawv pov thawj rau cov kev kho vaj tse loj hauv ob peb xyoos dhau los, los sis daim ntawv hauv tsev hais plaub. Yog tias koj cov ntaub ntawv raug ploj los sis puas, mus xyuas www.usa.gov/replace-vital-documents kom paub cov ncauj lus txog kev mus muab dua lawv.
- Cov ntawv pov thawj them nqi los sis ntaub ntawv rau cov nuj nqis koj muaj uas ntau tshaj li koj tau txais los ntawm FEMA rau cov kev raug puas.

Kos npe thiab rau hnuv tim rau koj tsab ntawv thov kev txiav txim dua. Sau kom muaj koj tus zauv muaj cuaj tug uas cim tsab ntawv thov FEMA nrog rau tus zauv cim kev puas ntsoog (DR-4634-CO) thiab muab xa raws ntawm plaub txoj kev nram no:

- Xa hauv chaw xa ntawv mus rau FEMA National Processing Services Center, P.O.Box 10055, Hyattsville, MD 20782-8055
- Rub koj cov ntaub ntawv mus rau koj qhov as khauj hauv FEMA ntawm <http://www.DisasterAssistance.gov>.
- Nqa koj cov ntaub ntawv mus rau lub Chaw Pab Kev Puas Ntsoog ntawm **1755 S. Public Road, Lafayette, Colorado**. Cov sij hawm qhib yog 9 teev sawv ntov txog 5 teev tsaus ntuj Caij Nyoog Toj Roob Hauv Pes hnuv Zwj Hli (Monday) txog Zwj Cag (Saturday) (kaw rau cov Zwj Hnuv (Sunday)).
- Xa hauv tshuab xa ntawv mus rau 800-827-8112, Xa kiag rau: FEMA

Tej zaum koj yuav tau ib tsab xov tooj los sis ib tsab ntawv ntawm FEMA tuaj nug ncauj lus ntxiv. Los sis FEMA yuav teem dua lwm lub sij hawm tuaj ntsuam xyuas koj lub tsev los sis khoom cuab yeej. Txawm li cas los, koj yeej yuav tau txais ib daim ntawv txiav txim ua ntej 90 hnuv tom qab FEMA txais tau koj tsab ntawv thov kev txiav txim dua.

Yog koj xav tham nrog tus neeg sawv cev rau FEMA kom paub ntxiv txog qhov txheej txheem kev txiav txim dua los sis xav taug qab koj tsab ntawv thov nyiaj, koj ua tau los ntawm:

- Kev hu **800-621-3362**. Muaj cov neeg txawj hais ntau hom lus teb xov tooj. Tus xov tooj hu dawb yeej qhib txhua hnuv thaum 5 teev sawv ntov txog 9 teev tsaus ntuj Caij Nyoog Toj Roob Hauv Pes. Yog tias koj siv tshuab pab txuas lus, xws li kev pab txuas lus hauv duab yeeb yam (VRS), cov kev pab sau ntawv tshwm xov tooj los sis lwm yam kev pab sib txuas lus, muab tus xov tooj ntawd rau FEMA kom tau kev pab.
- Mus xyuas lub Chaw Pab Kev Puas Ntsoog. Muaj cov kws tshaj lij txog txoj kev pab FEMA los teb rau cov nqe lus nug txog kev ua ntawv thov kev pab thiab cov txheej txheem kev kho kom rov zoo.

Xav paub ntxiv txog kev rov kho tau Hluav Taws Kub Marshall thiab kab cua hlob ncaj qha hauv Cheeb Koog Boulder, mus xyuas FEMA qhov vas sab txog kev puas ntsoog ntawm <https://www.fema.gov/disaster/4634>, Colorado Tuam Tsev Tswj Kev Ruaj Ntseg Hauv Teb Chaws thiab Kev Tswj Txoj Kev Kub Ceev (Department of Homeland Security and Emergency Management) qhov vas sab ntawm <https://dhsem.colorado.gov/> los sis Cheeb Koog Boulder qhov vas sab ntawm <https://www.bouldercounty.org/disasters/wildfires/marshall/>. Xav tau ncauj lus txog Kev Khiav Lag Luam Me (Small Business Administration), mus xyuas <https://disasterloanassistance.sba.gov/ela/s/>.

###

FEMA lub hom phiaj yog pab cov tib neeg ua ntej, thaum lub sij hawm thiab tom qab cov kev puas ntsoog.

Raws peb hauv twitter ntawm <https://twitter.com/femaregion8>

DHSEM lub hom phiaj yog koj thiab txhawb Colorado txoj kev raus tes los tawm tsam, tiv thaiv, txo sib thiab teb rau thiab rov zoo los ntawm tag nrho cov xwm txheej txaus ntshai.

Raws qab DHSEM hauv Twitter ntawm <https://Twitter.com/COEmergency> los sis <https://dhsem.colorado.gov/>

Yuav muab tag nrho FEMA cov nyiaj pab yam tsis muaj kev ntxub ntxaug haiv neeg, xim nqaij daim tawv, zeej xeeb (nrog rau kev zes ua dev ua npua), kev yeem sib deev, kev ntseeg, yug txawv teb chaws tuaj, hnuv nyoog, kev tsis taus, kev paub Lus Askiv npliag, qib kev khwv noj khwv haus. Yog koj ntseeg tias muaj kev ua txhaum rau koj cov caij tam pej xeeb, koj hu tau rau tus xov tooj Muab Kev Pab Rau Pej Xeeb Huab Hwm Cov Cai ntawm 833-285-7448.